

BUKU PERTAMA SAYA TENTANG PALESTIN





Assalamualaikum...

Nama saya ialah Ahmad dan saya adalah seorang muslim dari negara Palestin.

Mari saya beritahu kalian tentang negara saya dan kenapa ianya penting buat semua orang Islam.

Negara Palestin



Inilah negara saya, jarak ke Mekah lebih/kurang dalam 1 700 km.



Palestin adalah sebuah negara kecil di kelilingi negara arab yang lain.



Dalam kitab suci **Al-Quran**,
Allah SWT telah menamakan
Palestin sebagai tanah suci
umat Islam.

(Surah Al-Ma'idah, ayat 21)

(**Nabi Musa A.S** berkata lagi): "Wahai kaumku, masuklah ke Tanah Suci (Palestin) yang telah diperintahkan oleh Allah untuk kamu (memasukinya); dan janganlah kamu berbalik undur ke belakang, (kalau kamu undur) maka kamu kelak menjadi orang-orang yang rugi (di dunia dan di akhirat)".



*Boleh anda
teka masjid
apakah itu*

*Di Palestin terdapat sebuah
masjid yang sangat penting dalam
sejarah Umat Islam.*

*Masjid Al-Aqsa ini berada di
tengah halaman yang bertempat
di Jerusalem.*



Ya, Benar.



*Masjid
Al-Aqsa atau
ia disebut
sebagai
Baitul Maqdis.*



Masjid al-Nabawi



Masjid al-Haram



Masjid al-Aqsa

(Nabi Muhammad SAW berkata):-

*Janganlah bersungguh-sungguh untuk
pergi mengembara melainkan kepada
tiga masjid iaitu masjidku ini
Masjid al-Nabawi (Madinah), Masjid
al-Haram (Mekah) dan Masjid al-Aqsa.*

(Riwayat Imam al Bukhari : 1132)



1 000 x
Masjid al-Nabawi



500 x
Masjid al-Aqsa



1 x
Masjid biasa

Solat di Masjid al-Aqsa pahalanya
adalah sebanyak **500 kali ganda**
berbanding Masjid biasa dan ia juga
separuh ganda dari Solat di Masjid
al-Nabawi (Madinah).

Bani Israil adalah bermulanya dari keturunan 12 kabilah anak **Nabi Yaakub a.s bin Nabi Ishak a.s bin Nabi Ibrahim a.s**



Zaman berlalu agak panjang, kesombongan dari kuasa bermulalah pemerintahan Firaun (raja) di Mesir dengan pendustaan agama kerana kuasa. Bani Israil ketika itu ramai dijadikan hamba kepada Firaun. **Nabi Musa a.s** dilahirkan ketika zaman itu dan diambil (anak angkat) oleh isteri Firaun Asiyah setelah dijumpai di Sungai Nil.



Asiyah (isteri Firaun) membesarkan **Nabi Musa a.s.** Ringkasan kisah, **Nabi Musa a.s** berjaya membebaskan Bani Israil ke seberang laut dengan membelah Laut Merah dan menenggelamkan Firaun bersama tenteranya.

Kitab Taurat diturunkan kepada **Nabi Musa a.s** untuk disampaikan kepada umatnya agar menyembah **ALLAH**. Bani Israil menolak permintaan **Nabi Musa a.s** untuk ke Palestin. Malah meminta **Nabi Musa a.s** membinakan satu berhala baru untuk disembah yang mencontohi bangsa Samiri. Bani Israil kini berpecah kepada beberapa golongan termasuklah Bangsa Yahudi.



Bani Israil juga menyelewengkan **Kitab Taurat** yg diturunkan kepada **Nabi Musa a.s** kerana menolak bahawa nabi paling terakhir nanti adalah bukan dari bangsa Bani Israil tetapi bangsa arab (**Nabi Muhammad SAW**).

Nabi Musa a.s memohon pertolongan **Allah** sebab tak punya daya menghadapi kaumnya. Maka **Allah** turunkan hukuman bagi kaum Bani Israil yang fasik, tersesatlah mereka di padang pasir selama **40 tahun** tanpa arah tuju.

(Surah al-Ma'idah, ayat 25 - 26)



Pada kali ini **Nabi Musa a.s** wafat sebelum memasuki Palestin, keberanian **Nabi Yusha a.s** anak muridnya bersama beberapa baki pengikut Bani Israil berjaya mengambil kembali tanah suci Baitulmaqdis dari tompok penjajah bangsa Kanaan. Mukjizat **Nabi Yusya a.s** adalah berdoa memohon agar lambatkan matahari terbenam sehingga berlaku kemenangan.

Baitulmaqdis sekali lagi dijajah, Setelah kewafatan **Nabi Yusha a.s** berlaku penjajahan pula oleh Raja Jalut bangsa Balthata (tubuh gergasi).



Tentera Talut di Palestin ketika itu diketuai oleh **Nabi Daud a.s.** Mukjizat **Nabi Daud a.s** adalah boleh melembutkan besi walaupun sangat keras. Kemenangan **Nabi Daud a.s** menawan kembali Baitulmaqdis membuahkkan jasanya Raja Thalut mengahwinkan **Nabi Daud a.s** dengan puteri perempuannya dan hasil perkahwinan itu lahirnya **Nabi Sulaiman a.s.**

Nabi Daud a.s menjadi Raja di Palestin setelah itu. **Kitab Zabur** diturunkan kepada **Nabi Daud a.s** untuk menyampaikan kepada seluruh kaum di zamannya tatacara solat, berpuasa dan pujian kepada **ALLAH.**



Nabi Sulaiman a.s mewarisi kerajaan Palestin dan kekayaan dari **Raja Nabi Daud a.s.** Seperti setiap nabi mempunyai mukjizat, **Nabi Sulaiman a.s** boleh mengarahkan angin, haiwan dan jin untuk membuat sesuatu. **Nabi Sulaiman a.s** membangun kembali Masjid Al-Aqsa yang roboh akibat berperangan lalu.

Nabi Sulaiman a.s antara raja yang terkaya di muka bumi ini dengan lantai dan bumbung istananya terdiri daripada emas. Kewafatan baginda hanya diketahui awal oleh anai-anai dan apabila tongkat yang dimakannya rapuh dan baginda jatuh dari duduk bertongkatkan dagu. Maka semua pembesar dan jin-jin menyedari baginda telah wafat sekian lama.



Siti Maryam adalah ibu kepada **Nabi Isa a.s** dilahirkan di Palestin. **Siti Maryam** mengabdikan kehidupannya dengan hanya beribadah kepada **ALLAH** dalam sebuah bilik kecil di Masjid Al-Aqsa. Atas Kekuasaan **ALLAH SWT** **Nabi Isa a.s** dilahirkan tanpa ayah.

Ibunya **Nabi Isa a.s** difitnah orang ramai melakukan hubungan haram kerana melahirkan **Nabi Isa a.s** tanpa ayah. Dengan kuasa **ALLAH SWT**, semasa **Nabi Isa a.s** masih bayi lagi baginda boleh bertutur kata menyatakan kebenaran membela ibunya **Siti Maryam**.



Bertahun tahun dengan berdakwah, sedihnya mereka tidak mempercayai ajaran **Nabi Isa a.s.** Malahan ingin membunuhnya, **Nabi Isa a.s** diangkat **ALLAH** ke langit Syurga dan akan turun ke Palestin kembali satu masa kelak demi menegakkan agama tauhid **ALLAH**.

Kitab Injil diturunkan kepada **Nabi Isa a.s** menyeru umatnya Bani Israil untuk menyembah **ALLAH** yg Maha Esa.

Nabi Isa a.s juga menunjukkan kekuasaan **ALLAH** melalui mukjizatnya:-

- ✓ Menyembuhkan pelbagai penyakit termasuklah buta mata.
- ✓ Menghidupkan yang telah mati atas izin **ALLAH**.
- ✓ Menurunkan hidangan makanan dari langit.
- ✓ Berjalan di atas air.

Peristiwa Israk Mikraj

Maha suci Allah yang telah menjalankan hambaNya (Muhammad) pada malam hari dari Masjid Al-Haraam (di Makkah) ke Masjid Al-Aqsa (di Palestin). yang Kami berkati sekelilingnya, untuk memperlihatkan kepadanya tanda-tanda (kekuasaan & kebesaran) Kami. Sesungguhnya Allah jualah Yang Maha Mendengar, lagi Maha Mengetahui.

(Surah Al-Isra' : 1)



01 Masjidil Haram
(Mekah)

Israk



02 Masjidil Aqsa
(Palestin)

03 Sidratul Muntaha

7 LAPISAN
LANGIT

Mikraj

Kitab Quran diturunkan kepada **Nabi Muhammad SAW** untuk melengkapkan ajaran tauhid kepada **ALLAH SWT**. Surah al-Isra ayat 1 ada menyatakan mengenai peristiwa Israk Mikraj.

Peristiwa penting **ISRAK MIKRAJ** ini adalah satu perjalanan yang dilakukan oleh **Nabi Muhammad SAW** dari Masjidil Haram (Mekah) singgah ke Masjidil Aqsa (Palestin) melakukan solat 2 rakaat dan ke atas langit Sidratul Muntaha (Langit ke tujuh).



Perjalanan **ISRAK MIKRAJ** ini **Nabi Muhammad SAW** kembali ke Masjidil Haram hanya dalam satu malam sahaja. Tunggalan **Nabi Muhammad SAW** dalam perjalanan ini adalah diberi nama **BURAQ** iaitu binatang yang dijadikan dari unsur cahaya dan bergerak sepantas cahaya.



Pentingnya peristiwa
ISRAK MIKRAJ ini kepada umat
Nabi Muhammad SAW, kita semua
telah mendapat pengurangan solat fardu
dari 50 waktu kepada hanya **5 waktu**
sahaja.



Baginda **Nabi Muhammad SAW** wafat sebelum sempat memulakan berperangan. Penaklukan kembali itu diteruskan para sahabat **Nabi Muhammad SAW** dan mendapatkan kemenangan.

Beberapa tahun kemudian **Nabi Muhammad SAW** ingin menyusun penaklukan kembali Baitulmaqdis dari Kerajaan Rom bersama sahabat **Sayidina Abu Bakar As Sidiq r.a, Umar bin Khattab r.a, Abu Ubaidah Al Jarrah r.a** dan **Usamah bin Zaid r.a**.



Sayidina Umar Al Khattab r.a menjadi Khalifah selepas kewafatan baginda **Nabi SAW**.



Sayidina Umar Al Khattab r.a bersama penduduk membangunkan Masjid Qibli di Kompleks Masjid Al-Aqsa.

Semasa pemerintahan
Sayidina Umar Al Khattab r.a
di Palestin semua bangsa agama Islam,
Kristian dan Yahudi adalah aman damai di
bawah pemerintahannya.



Kompleks Al-Aqsa

Palestin juga adalah tempat tinggal kepada nabi yang lain juga seperti :

Nabi Ibrahim a.s

Nabi Ishaq a.s

Nabi Yaakub a.s

Nabi Yusuf a.s

Nabi Lut a.s

Nabi Zakaria a.s

Nabi Yahya a.s

Nabi Saleh a.s

Nabi Isa a.s





Maka, Masjid al-Aqsa merupakan hak sepenuhnya bagi kaum Muslimin yang diwariskan oleh para nabi dan rasul hingga **Nabi Muhammad Shallallahu 'Alaihi Wasallam**.

Oleh itu sebagai orang yang beriman, kita wajib meyakinkannya dan wajib untuk menjaga dan membelanya.

Siapakah nabi yang dimakamkan di Masjid al-Aqsa?

Masih dikutip dalam kitab yang sama, bahawa para nabi yang dimakamkan di sekeliling Masjidil Aqsa di antaranya:



Nabi Ibrahim a.s dan isterinya **Sayyidah Sarah**



Nabi Ishaq a.s dan isterinya



Nabi Ya'qub a.s dan isterinya





Sejarah Baitulmaqdis diambil kembali pemerintahan Islam dari dijajah:-

- ✔ **Khalifah Umar** dan **Abu Ubaidah al-Jarrah**, Kerajaan al-Rasyidin 637.
- ✔ **Khalifah Umayyah**, Kerajaan Abbasiyah 691.
- ✔ **Sultan Salahuddin al-Ayubi**, 1187.
- ✔ **Sultan Muhammad al-Fateh**, Kerajaan Uthmaniyah 1463.
- ✔ **Status Baitulmaqdis kini sedang dijajah Zionis Israel 1948-2023 (masih dijajah).**



اَللّٰهُمَّ اَنْصُرِ الْمُسْلِمِيْنَ فِيْ فِلِسْطِيْنَ

Allahumman suril muslimena fee filisteen

Maksudnya:

Ya ALLAH, bantulah muslimin di Palestin.

Baru kita tahukan betapa pentingnya alasan kita untuk mempertahankan Masjidil Aqsa dan Negara Palestin.

Ya, kerana ia adalah tanah suci bagi umat Islam dan Muslim seluruh dunia.



**Kompleks Masjid Al-Aqsa
(Baitulmaqdis)**

Kompleks Masjid al-Aqsa (Baitulmaqdis)



*Masjid Qibli (Masjid utama di
al -Aqsa)*



Masjid al-Marwani



Masjid Dome of The Rock



Masjid Buraq

Rujukan:

<https://minanews.net/masjid-al-aqsa-dan-nabi-adam/>

<https://www.mycare.org.my/antara-haikal-sulaiman-al-aqsa/>

<https://www.utusan.com.my/rencana/forum/2023/06/pelajar-perlu-tahu-mengapa-israel-rebut-palestin/>

<https://muftiwp.gov.my/en/artikel/bayan-linnas/739-bayan-linnas-siri-ke-105>

<https://www.astroawani.com/berita-malaysia/kenapa-baitulmaqdis-penting-bagi-umat-islam-163676>

Glosari:

SAW = Sallallah hualaihiwa sallam
(Sejahteralah dan salam ke atas baginda)

a.s = Alai hisalam
(kesejahteraan kepadanya)

r.a = Radiallah huanhu
(Allah meredhainya)

Kami dari **CLEVER PLUS** mengharapkan anda semua suka dengan pengumpulan maklumat dan sejarah ringkas mengenai Baitulmaqdis, Palestin.

Semoga sokongan anda kepada kami dapat kami menghasilkan bahan bacaan menarik dan pengumpulan sejarah ringkas mengenai perjuangan Islam.

Kami juga menyediakan bahan "**worksheet**" kepada kanak-kanak untuk dimuat turun. Dan juga **E-Latihan** yang menarik kepada pelajar bermula **tahun 1** ke **tahun 6**, **tingkatan 1** hingga ke **tingkatan 5**.

Kami mengumpulkan latihan yang menarik mengikut format **KSSR**, **UASA** dan **KSSM**.

KLIK di **MENU** seperti sebelah untuk ke bahagian lain.

